



Left page of an open book with faint, illegible text. A red seal is visible in the upper right corner of the page.

Right page of an open book, mostly blank with some faint markings and a red seal in the upper right corner.

武  
82  
34



女科證治準繩卷之二



金壇王肯堂輯 門人新安閔承詔校

雜症門上雜證男女一也此二十卷方論出女科書多雜病書所遺故存之 虛勞

勞倦所傷用補中益氣湯證治乃暴病也失治而有發熱潮熱盜汗欬嗽諸證出焉謂之虛勞又復失治而有皮聚毛落飲食不為肌膚骨髓中熱經閉不行諸證出焉謂之瘵骨蒸熱至於傳尸之疾別自一種其源不起於勞飢其流或至於滅門余於雜病首冊則既條分而備列矣然男以精為主女以血為主其

勞瘵 骨蒸  
勞血 風勞  
氣虛 凡勞 冷勞  
熱勞  
無熱虛勞 有熱虛勞

致病既殊其施治亦異故應別著方法而陳氏良方分勞瘵骨蒸勞血風勞氣虛風勞冷勞熱勞客熱等門未免惑亂後人靡所適從今釐正如左醫者更參雜病虛勞傳尸勞二門而用之則無道少之患矣

**初病大法** 保治婦人虛勞局方中謂首尾六合如大聖散熟地黃丸是治無熱虛勞也中道藥牡丹煎丸空心食前入參荊芥散臨卧食後是治有熱虛勞也

**戴有病後血虛者** 有本體血虛者其人往來寒熱或五心發熱言語無力面色痿黃頭目昏暈變生諸疾芎歸湯加羊肉少許或十全大補湯四物湯養榮

湯服之血虛而氣旺者宜抑氣湯即香附末增損四物湯易簡方治婦人氣血不足四肢惰怠之方少氣兼治產後下血過多榮衛虛損陰陽不和乍寒乍熱

當歸 川芎 人參  
甘草 炙 白芍藥 各等分  
木乾薑 炮  
右咬咀每服四錢水壹盞煎至六分去滓熱服

六神湯御藥院方 治脾氣不和榮衛不足怠惰困倦不嗜飲食服之補養真氣進美飲食充澤肌膚

當歸 熟地黃 白芍藥

川芎

黃耆

地骨皮各等分

右為麤末每服五錢水壹盞半煎至八分去滓空心溫服

加減大建中湯治婦人胎前產後一切虛損月

水不調臍腹疔痛往來寒熱自汗口乾煩渴

芍藥貳兩

當歸

川芎

黃耆

桂各壹兩

甘草炙

白朮各柒錢半

右為末每服貳錢半水一盞半薑棗煎六分去滓

溫服食前

血勞 蓐勞

清氣湯治肌熱骨瘦者陰衰陽盛也是氣弱而

血熱則外蒸肌肉內蒸骨髓煩渴口乾頰赤頭疼飲食無味心神驚悸肢體痠疼或時盜汗或時咳嗽或月家斷絕或經極少俗謂血勞產後曰蓐勞及羸瘦之人與清氣湯羊乳丸治之

紫蘇子

五味子

大腹子

枳殼

桑白皮微炒

菖蒲

地骨皮

白朮

柴胡

秦艽

獨活

乾葛

甘草各等分

右咬咀每服五錢水壹盞入紫蘇七片烏梅壹箇煎至七分温服

黃耆散 一名防風湯 治勞氣食後身疼倦夜間盜汗此

因失血榮衛損也

黃耆 壹兩

白芍藥

防風

當歸

乾地黄 各半錢五分

甘草 半兩

右咬咀每服五錢水壹盞薑叁片棗壹枚煎至七分去滓温服食前

四白散 治男子婦人血虛發熱夜多盜汗不進飲食四肢羸瘦骨節拘攣脚痛不能行

黃耆

厚朴

益智仁

藿香

白朮

白扁豆

陳皮 各壹兩

半夏

白茯苓

人參

白豆蔻仁

天台烏藥

甘草 各半兩

京南芍藥

檀香

沉香 各壹兩

右為細末每服四錢水壹盞薑叁片棗壹箇煎至

七分温服

桔梗飲子良於治心氣不足解勞倦益血

黃耆

人參

麥門冬

苦梗

甘草 各壹兩

青皮 半兩

右為末每服參錢水壹盞煎至七分溫服

如聖散 良方 治婦人所稟血氣不足不耐寒暑易

胃疾傷月水不調久而心虛狀若心勞四肢倦怠

筋骨少力盜汗易驚或時不寧五心煩熱肌膚不

長間作頭昏飲食無味胸膈不利或產前產後受

病並可服之

北柴胡

白茯苓

甘草

熟地黃

人參

當歸 各壹兩

鼈甲

胡黃連

沉香

知母 各半兩

桑寄生

乾葛 各半兩

右為細末每服貳錢水壹盞烏梅壹个棗貳枚麥

門冬數粒煎至八分服無時

劫勞散 治心腎俱虛勞嗽二三聲無痰遇夜發熱

熱過即冷時有盜汗四肢倦怠體劣黃瘦飲食減

少夜卧恍惚神氣不寧睡多異夢此藥能治微嗽

有唾唾中有紅線名曰肺痿失治便成羸劣之疾

白芍藥 陸兩

綿黃耆 蜜炙

甘草 炙

人參 去蘆

當歸 酒洗

半夏

白茯苓 去皮

熟地黃 洗淨

五味子

阿膠各貳兩炒

右咬咀每服參錢水壹盞生薑七片棗參枚煎至九分溫服無時日三

筒骨煎良方治諸虛疾羸瘦乏力腰背引痛心煩

喘嗽唾膿嘔血頑涎壅盛睡卧有妨胸滿氣促夜多盜汗髮焦耳鳴皮寒骨熱一切五勞七傷骨蒸等候並皆療治

地骨皮 粉草 北柴胡

前胡 烏藥 麻黃不去節

乾葛 青蒿 苦梗

知母 天仙藤 條黃芩各壹兩

人參 生乾地黃 秦艽

鼈甲 黃耆各半兩

右咬咀每服參錢水壹盞酒壹分豬筒骨壹莖炙焦分為四服苑柳枝各七寸杏仁五粒去皮尖搥碎煎至七分去滓溫服加烏梅半箇尤妙 一方加當歸芍藥

滋血湯 治婦人經候不通或血聚肢體麻木肌熱身重倦怠少力將成勞瘵不可妄行破血宜滋養潤利見經閉



補中丸余居士選方

治婦人虛損諸疾

白朮

地黃各壹兩

川芎

白芍藥

當歸

黃耆

人參

陳皮各半兩

右為細末煉蜜丸如梧桐子大每服五七十九溫水下

溫中丸普濟

治衝任虛損血氣虧傷月水斷續來不

應期或多或少或少腹中疝痛不實寒熱煩壅咽燥舌乾心神忪悸頭目眩暈肢體倦怠腰背引痛筋脉拘急帶下赤白飲食進退或發寒熱

生地黄

生薑

二味各壹兩切碎各研取汁將薑汁炒地黃并却將

地黃汁炒

白芍藥

貳兩

人參

去蘆

蒲黃

當歸

酒洗

琥珀

另研

白茯苓

黃耆

蜜炙

延胡索

麥門冬

烏梅肉

焙各壹兩

右為末別用白艾葉壹觔水壹斗煎取濃汁熬成膏和前藥丸如梧桐子大每服五拾丸溫米飲下

空心食前

人參丸十方便良方

養陰生血補虛

鹿角膠炒

熟地黄

芍藥

當歸

白朮

川芎各等分

右為末煉蜜丸如梧桐子大每服參拾丸空心米飲下

祕方十補丸

治婦人諸虛百損榮衛不調形體羸

瘦面黃背倦口苦舌乾心忪多汗血衰氣盛寒熱往來一切血崩帶下墮胎落孕此藥皆治孕婦服之尤有神効

熟乾地黄

淨洗酒浸蒸過焙乾秤重肆兩

肉蓯蓉

酒浸焙乾

人參

綿黃耆

去蘆蜜炙

川芎

當歸

去蘆酒浸焙

白芍藥

洗

白茯苓

白朮

去蘆洗淨炒各貳兩

甘草

炙半兩

肉桂

壹兩去皮

右為細末用好酒調山藥末打糊為丸如梧桐子大每服六七十丸食前米湯或溫酒下

五聖丸

調益榮衛滋養氣血治衝任虛損月水不

調臍腹疝痛崩中漏下血瘦塊硬發渴疼痛妊娠

宿冷將理失宜胎動不安血下不止及產後乘虛

風寒內搏惡露不下結生瘕聚小腹堅痛時作寒

熱

當歸

川芎

白芍藥

熟乾地黄各壹兩 生乾地黄貳兩

右為細末酒煮麩糊為丸如梧桐子大每服六七拾丸食前溫酒下

七補丸十方便良方 治婦人氣血虛弱衝任不和腹中經

結狀若懷孕月候尚來未分經脈宜服此方

當歸 芍藥 川芎各叁分

白芷 白朮 熟地黄

阿膠貳分炒各

右為細末煉蜜丸如梧桐子大每服五六拾丸空心米飲下

○ 羊乳丸 治虛勞羸瘦

秦苑 柴胡 地骨皮

山茱萸肉 黃耆蜜炙 地黄酒浸蒸過各等分

右為末煉蜜丸如梧桐子大每服五拾丸煎人參湯下不拘時候日進三服

人參鼈甲丸普濟 治婦人一切虛損肌肉瘦瘁盜汗

心忪咳嗽上氣經脈不調或作寒熱不思飲食

杏仁湯浸去皮尖炒 人參 當歸

赤芍藥 甘草炙 柴胡

桔梗去蘆各壹兩 地骨皮 宣黃連去鬚

虛癆丸 如天二 九

胡黃連各半 肉桂去麩 木香各半

麝香另研半錢 鼈甲壹枚重貳兩者醋炙黃色

右為細末用青蒿壹觔研爛絞汁童子小便五升酒五升同熬至貳升次入真酥參兩白沙蜜參兩再熬成膏冷方下衆藥末搜和令勻丸如梧桐子大每服五十九溫酒送下無時

艾煎丸東垣 治婦人諸虛

北艾葉 大當歸各貳兩 香附子肆兩

右醋煮半日焙乾為末再用醋煮糊丸艾醋湯下

芪味丸東垣 補虛敗

黃耆肆兩鹽水浸火炙 北五味貳兩

右為末秫米糊丸空心鹽酒下

**無執虛勞** 大婦人冷勞屬血氣不足臟腑虛寒以致

臍下冷痛手足時寒月經失常飲食不消或時嘔吐惡寒發熱骨節痠疼肌膚羸瘦面色痿黃也薛前證有內外真寒然有內外真熱亦有內真熱而外假寒者又有內真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之證也宜用附子理中湯以回陽入味地黃丸以壯火若飲食如常大便堅實胸腹痞脹

飲食喜冷手足煩熱面赤嘔吐不畏風寒此內外真熱之證也宜用黃連解毒湯以消陰六味丸以壯水若飲食如常大便堅實胸腹痞脹飲食喜寒手足逆冷面黃嘔吐畏見風寒此內真熱而外假寒也亦用解毒湯六味丸若飲食少思大便不實吞酸噯氣胸腹痞滿手足逆冷面赤嘔吐畏見風寒此內真寒而外假熱也亦用附子理中湯與八味丸當求其屬而治之經曰益火之源以消陰翳壯水之主以制陽光使不知真水火之不足泛以寒熱藥治之則舊疾未去新病復生矣夫所謂屬者猶主也謂心腎也求其

屬也者言水火不足而求之於心腎也火之源者陽氣之根即心是也水之主者陰氣之根即腎是也非謂火為心原為肝水為腎主為肺也 一婦食少作嘔口吐痰涎面黃腹痛月經不調手足逆冷此內外俱寒之證以六君加附子木香治之而愈 一婦忽嘔吐酸水內熱作渴飲食不進惟喜冷水面色青赤投之以藥入口即吐此內外真熱之證積十餘日以黃連一味煎湯飲之徐加白朮茯苓仍加陳皮當歸炙甘草至月餘始進米飲稀粥調理而愈 一婦內熱作渴大便秘結畏惡風寒手足逆冷此內真熱而

外假寒先用黃連解毒湯後用六味丸而愈一婦  
初患痰喘熱渴醫以降火散氣治之肌日削而氣日  
索延至甲辰木旺痰盛身熱口腐腹脹神昏絕食幾  
死此虛熱無火投以壯水生土之劑隨服隨効越數  
歲夏初坐則頭墜不能起視卧則背冷覺風透體煩  
熱暈眩咳嘔痰湧手足麻木此內真寒外假熱之證  
也遂以大補薑附之劑投之不三四服而大勢已平  
仍以前藥加減而愈韓懋治其嫂年三十餘十八  
胎九殞八天會家難作驚憂過甚遂昏昏不省人事  
口唇舌皆瘡或至封喉下部虛脫白帶如注如此四

十餘日或時少甦至欲自縊悲不能堪醫或投涼劑  
解其上則下部疾愈甚或投熱劑及以湯藥重蒸其  
下則熱暈欲絕此亡陽證也急以鹽煮大附子九錢  
為君制以薄荷防風佐以薑桂芎歸之屬水煎入井  
水冷與之未盡劑鼾睡通宵覺即能識入或曰此何  
謂也曰方書有之假對假真對真爾上乃假熱故以  
假冷之藥從之下乃真冷故以真熱之藥反之斯上  
下和而病解矣繼以女金丹錯綜以三三方不但去  
其疾且調治元氣無何連生二子以上論及治驗有  
無當於虛勞者而  
實治寒熱變通之  
大法不可不察也

局大聖散 治婦人血海虛冷久無子息及產後敗血衝心中風口噤子死腹中孽開口灌藥須臾生下便得無恙治墮胎腹中攻刺疼痛橫生逆產胎衣不下血運血癖血滯血崩血入四肢應血藏有患及諸種風氣或傷寒吐逆欬嗽寒熱往來遍身生瘡頭痛惡心經脈不調赤白帶下乳生惡氣胎藏虛冷數曾墮胎崩中不定因此成疾室女經脈不通並宜服之常服煖子宮和血氣悅顏色退風冷消除萬病兼療丈夫五勞七傷虛損等病

澤蘭葉 石膏 卷栢

白茯苓 去皮 防風 去蘆 厚朴 去麋皮 薑汁炙

細辛 去苗 栢子仁 微炒 桔梗

吳茱萸 湯洗七次焙 藁本 去苗 五味子 揀淨

人參 白芷 乾薑 炮

川椒 去目閉口者 微炒出汗 白朮

黃耆 去苗 川烏 炮去皮臍

蕪荑 微炒 甘草 炙 丹參 各參

芍藥 當歸 各壹兩 白薇

阿膠 碎炒燥 肉桂 壹兩 生乾地黃 壹兩

右為細末每服貳錢空心臨臥熱酒調下若急疾

有患不拘時候日三服

渾身碎痛飲子 治婦人勞倦

虎骨 伍錢

防風

藁本

甘草

白芷

茯苓 各貳錢

當歸

芍藥

續斷

白朮

附子 各貳錢

右為麤末薑棗煎服不拘時

十全大補湯治婦人冷勞最妙方見雜病虛勞

當歸木香湯 治婦人血氣虛勞令人頭目昏眩語聲沉重舌根強硬言語蹇澀口苦不食白日困睡

夜有虛汗神思恍惚夢寢驚悸面色痿黃頻發喘嗽遍身疼痛脚氣走注四肢沉重背脚拘急時發寒熱五心煩躁唇乾多渴胸膈不利咽喉噎塞疔羸瘦弱經曰太脉為勞宜服

當歸

青皮

五加皮

海桐皮

陳皮

丁皮

桑白皮

地骨皮

牡丹皮

棕櫚皮

燒存性各壹兩

赤芍藥

木香 各半兩

右為末每服壹錢水壹盞入香油壹貳點古錢壹文洗同煎至七分不拘時溫服



熟乾地黄丸 方見前

木香丸 治婦人冷勞經脈不調臟腑氣滯四肢疼

痛飲食無味漸加羸瘦

木香 琥珀 吳茱萸 炮

當歸 牡丹皮 赤芍藥

三稜 附子 炮 延胡索

川芎 各參 乾薑 人參

桂心 各半 北柴胡 白木

鼈甲 醋煮去 厚朴 熟地黄

陳橘皮 各壹

右為末煉蜜丸如梧桐子大每服參拾丸空心溫酒下

煮肝散 治婦人冷勞脾胃虛乏大腸轉洩水穀不化四肢羸瘦口内生瘡不思飲食漸加無力

北柴胡 宿砂仁 蒔蘿

葦撥 各叁 白朮 白芷

胡椒 白薑 陳皮

山茵陳 人參 蕪荑仁

木香 紫苑 白芍藥

北細辛 桂心 各半

右為細末以豬猪肝一具去脂膜切如柳葉片以新汲水洗過入葱白叁寸細切入藥末半兩於鉢內以新水貳大酸入鹽醋少許以瓷碗合煮令水盡空心以意食之喫前飲下食後良久飲煖酒一盞為妙晚食前熱服

硃砂煎丸 治婦人冷勞心腹積聚腹脇疼痛四肢

羸瘦不食

鼈甲 醋炙

菝仁 去皮尖

木香

五靈脂 去土石炒

當歸 各壹兩

硃砂 貳兩醋壹兩升熬成膏

右為細末用硃砂膏為丸如梧桐子大空心溫酒

下貳拾丸 此方硃砂太多不宜輕用

有熱虛勞 大婦人熱勞由心肺壅熱傷於氣血以致

心神煩躁頰赤頭疼眼澀唇乾口舌生瘡神思昏倦

四肢壯熱飲食無味肢體痠疼心忪盜汗肌膚日瘦

或寒熱往來當審其所因調補氣血其病自瘳矣

薛前證乃壯火食氣虛火煎熬真陰之所致也王太

僕云如大寒而甚熱之不熱是無火也熱來復去晝

見夜伏夜發晝止是無火也當治其心如大熱而甚

寒之不寒是無水也熱動復止倏忽往來時動時止

是無水也當助其腎心盛則生熱腎盛則生寒腎虛

則寒動於中心虛則熱收於內竊謂前證若肝脾血  
 虛用四物參朮肝脾鬱怒小柴胡合四物湯脾胃氣  
 虛補中益氣湯肝脾血虛加味道遙散肝經風熱加  
 味小柴胡湯心經血虛天王補心丹肺經氣虛人參  
 補肺湯肝經血虛加味四物湯太抵午前熱屬氣分  
 用清心蓮子飲方見雜病赤白濁午後熱屬血分用四物湯  
 參朮牡丹皮熱從左邊起肝火也實則四物湯龍膽  
 山梔虛則四物參朮黃耆熱從臍下起陰火也四物  
 參朮黃檗知母酒拌炒黑五味子麥門冬肉桂如不  
 應急用加減八味丸不時而熱或無定處或從脚心

起此無根虛火也用加減八味丸及十全大補湯加  
 麥門五味主之婦經行不調飲食少思日晡熱  
 甚此肝脾氣血俱虛用十全大補加山茱萸山藥牡  
 丹皮麥門五味而瘡次年秋寒熱如瘧仍用前藥而  
 瘡一婦生育多胎月經不調兩足發熱年餘其身  
 亦熱勞則足痠痛又年許唇腫裂痛又半年唇裂見  
 血形體瘦倦飲食無味月水不行此氣血俱衰之證  
 彼誤用通經丸等藥復傷氣血遂致不起  
 黃耆散聖惠治婦人熱勞羸瘦四肢煩疼心躁口乾  
 不欲飲食

人參

黃芩

當歸各半

北柴胡去皮壹兩半

黃耆

地骨皮

赤茯苓

麥門冬去心

生地黄

赤芍藥各壹兩

甘草炙壹錢半

右咬咀每服四錢水壹盞薑五片煎六分去滓溫服無時

逍遙散集

治血虛勞倦五心煩熱肢體疼痛頭目

昏重心忪頰赤口燥咽乾發熱盜汗減食嗜臥及

血熱相傳月水不調臍腹脹痛寒熱如瘧又主室

女血弱陰虛榮衛不和痰嗽潮熱肢體羸瘦漸成

骨蒸

白茯苓

白朮去蘆

白芍藥

當歸去蘆酒浸半日微炒

北柴胡去苗各壹兩

甘草炙壹兩半

右剉散每服叁錢水壹盞半薑叁片麥門冬貳拾

粒去心煎服不拘時候一方加知母地骨皮

一方薄荷湯下無門冬一方名人參散治婦人

血熱虛勞骨蒸兼治邪熱客於經絡痰嗽煩躁頭

目昏痛夜多盜汗補真氣解勞倦用人參白朮茯

苓柴胡半夏當歸赤芍藥乾葛甘草黃芩各等分

咬咀每服四錢水壹盞半生薑五片棗貳箇煎至

六分不拘時候溫服應有勞熱之證皆可服之熱退即止

子芩散拔粹 涼心肺解勞除熱使榮衛順血不絕

黃耆 壹兩

白芍藥

子芩

人參

白茯苓

麥門冬 去心

生乾地黄 各半 苦梗 貳錢

右為麤末先用竹葉壹握小麥柒拾粒水叁盞薑參片煎至壹盞半入藥末叁錢重煎至七分去滓

溫服

知母散聖惠 治婦人熱勞體瘦壯熱四肢煩疼咽喉

不利少思飲食

知母

黃芩 各半

柴胡 去苗

生乾地黄 各壹兩

赤芍藥

麥門冬 去心

射干

川升麻 各半

甘草 半兩炙

右為麤散每服四錢水壹中盞入生薑半分淡竹葉貳拾柒片同煎至六分去滓不計時候溫服  
半夏散全 治婦人熱勞煩渴口乾體瘦無力四肢疼痛或時寒熱痰逆嘔吐不思飲食

半夏

知母

苦梗

人參

赤茯苓

秦艽

赤芍藥

麥門冬

烏梅肉各半兩

鼈甲醋炙

北柴胡

黃耆各壹兩

大腹皮柴錢半

甘草貳錢半

右為麤末每服四大錢水壹盞半生薑叁片煎至七分去滓溫服無時

秦艽散大

治血經有熱月脉凝滯五心煩倦至

麥門冬

秦艽各壹兩

生地黃

當歸各半兩

地骨皮

鬱金

蘇木各貳錢半

右為細末每服壹錢半水壹盞紅花少許同煎至

七分溫服若經脉調不用紅花忌酒與熱物此方

可服一年

鼈甲地黃湯補遺

治熱勞手足煩心怔忡悸悶婦人

血室有乾血身體羸瘦不為肌肉

柴胡去蘆

當歸去蘆

麥門冬去心

鼈甲醋炙

石斛

白朮

熟地黃酒浸

茯苓

秦艽去蘆各壹兩

人參

肉桂不見

甘草各半兩

右剉每服四錢薑四片烏梅半箇煎溫服

胡黃連散聖惠

治婦人熱勞體瘦經脉不通四肢疼

痛口乾煩渴不得眠卧飲食全少

鼈甲

壹兩半醋炙黃去裙襴

天靈蓋

酥炙黃

柴胡

去土蘆

生乾地黄

地骨皮

黃耆

剉

川大黃

壹兩剉微炒

犀角屑

各壹兩

胡黃連

當歸

青蒿

黃芩

各半錢半

赤芍藥

木香

麝香

細研入各半兩

右為麤末每服四錢以水壹中盞入生薑壹錢參分桃柳心各七莖煎至六分去滓不拘時溫服犀角散聖惠治婦人熱勞心胸煩熱不思飲食四肢多疼經脉澀滯

犀角屑

黃芩

甘草

炙微赤剉各半兩

赤芍藥

虎杖

茯苓

地骨皮

麥門冬

去心

當歸

枳殼

麩炒微黃各半錢半

柴胡

去苗

紅藍花

鼈甲

醋炙黃去裙襴各壹兩

右為麤散每服叁錢以水壹中盞入生薑半分煎至六分去滓溫服無時

紅藍花散

聖惠

治婦人熱勞四肢羸瘦經脉不通

柴胡

壹兩半去苗

紅藍花

當歸

生乾地黄

赤芍藥

鬼箭羽

虎杖

大腹皮

麥門冬

土瓜根

地骨皮

枳殼

甘草

右為麤散每服四錢以水壹中盞入生薑半分煎至六分去滓溫服無時

鼈甲散 治婦人熱勞發渴壯熱四肢煩疼漸漸

黃瘦心胸躁悶

鼈甲

柴胡

麥門冬

知母

川大黃

地骨皮

赤芍藥

人參

黃芩

黃耆

桑根白皮

甘草

右為麤散每服四錢以水壹中盞入生薑半分葱白五寸豉五十粒煎至六分去滓溫服無時

治婦人骨槽勞熱宮臟不調因感勞氣子母相傳邪

氣干心非時驚恐如人將捕戰慄不安

桑寄生

人參

茯苓

鼈甲

柴胡

獨活

天靈蓋

川芎

沉香

木香

右細杵羅為末每服參錢水壹盞煎兩三沸急瀉



出空心忽非時和滓喫

豬肚丸聖惠治婦人熱勞羸瘦

北柴胡

赤茯苓

人參

黃耆各壹兩

黃連叁兩

地骨皮

木香各半兩

棗仁

鼈甲各壹兩半

右為細末用好嫩豬肚一枚淨洗將藥末入豬肚內以線縫合蒸令爛熟於砂盆內研如膏丸如梧桐子大食前粥飲下叁拾丸午食前再服  
胡黃連丸普濟治婦人熱勞煩悶四肢黃瘦疼痛時有咳嗽不欲飲食

胡黃連

知母

川升麻

玄參

人參去蘆

當歸

甘草炙微赤

檳榔

桔梗去蘆各半兩

赤芍藥

犀角屑

地骨皮

茯苓

杏仁湯浸去皮尖雙仁麩炒微黃

紫苑洗去苗土

川大黃剉碎微炒

秦艽去苗

枳殼麩炒微黃去穰各半錢半

柴胡去苗壹兩

麥門冬去心焙

鼈甲貳兩醋炙黃去裙襴

右為末煉蜜和搗三百杵丸如梧桐子大不計時候以湯飲下叁拾丸

益母草煎丸普濟 治婦人執勞煩悶四肢疼痛經脈  
滯澀腹脇妨悶不欲飲食

益母草汁壹升 青蒿壹升 無灰酒壹升

生薑汁壹升 童子小便壹升

已上六味於銀器中以慢火熬成膏

柴胡去苗 麥門冬去心 赤芍藥

桑仁湯浸去皮尖雙 生乾地黃

鬼箭羽各壹兩 鼈甲貳兩醋炙去裙 人參去蘆

琥珀研細 地骨皮 白木

枳殼麩炒微黃去穢 桔梗去蘆 當歸各半錢半

麝香貳錢半細研

右為末用前膏子和搗三百杵丸如梧桐子大  
食前以溫水下參拾丸

青蒿丸聖惠 治婦人執勞咳嗽肌體消瘦心膈煩熱

夜多盜汗四肢痠痛食少無力

青蒿 杏仁湯浸去皮尖雙仁麩炒黃 天靈蓋酥炙黃

鼈甲醋炙黃去裙各壹兩半 天門冬去心焙 柴胡去苗

地骨皮 旋復花 紫苑洗去土

貝母 人參去蘆 秦艽去頭

威蕤 黃耆 川大黃剉微炒

虛勞

女科

三

枳殼麩炒微黃去穰各壹兩 甘草炙微赤坐 龍膽草兩

朱砂壹兩水飛過 麝香半兩

右為末入研了藥令勻煉蜜和搗三五百杵丸如梧桐子大每以麥門冬湯下貳拾丸不計時候

鼈甲丸昔 治熱勞尤佳

河車壹具治法詳見後條 鼈甲醋炙壹兩

桔梗

白芍藥 大黃煨

甘草

苦參 貝母

知母

秋石 豉心

草龍

黃藥子 菝葜

犀角屑

消石各半兩

右為末以前膏子為丸湯使如前

雞蘇丸板 治虛熱昏冒倦怠下虛上壅嗽血衄血

雞蘇葉半觔 黃耆 苦梗各半兩

防風 荊芥穗 生乾地黃各壹兩

甘草 川芎 甘菊花各貳錢半

真腦子半錢

右為細末煉蜜丸如彈子大每服壹丸用麥門冬去心煎湯嚥下又治肺損吐血日漸乏力瘦弱行步不得喘嗽痰涎飲食不美或發寒熱小便赤澀

虛勞

女科

三

加車前子貳錢半每服壹丸煎桑枝湯嚼下日可  
六七服桑枝剉炒香每用米參盞煎至壹盞去滓  
下藥

**療骨蒸熱**五勞六極七傷諸證治已見雜病虛勞門  
茲不贅叙婦人致此多因經行胎產或飲食起居七  
情重傷肝脾之所致又或失於調攝或過於攻伐而  
成與男子治法稍有不同故彙集古今禁方專治婦  
人者於此若欲窮其源流更當稽之彼籍  
**補虛治瘵疾得効方**河車丸 治勞嗽一切勞瘵虛  
損骨蒸等疾

河車

壹枚初生男子者尤良於長流水中  
蕩洗血淨入磁器內重湯煮爛入藥

雪白茯苓

兩半

揀參

壹兩

乾山藥

兩貳

右為細末入河車汁加麪糊為丸如梧子大以少  
麝香末為衣每服參五拾丸米飲溫酒鹽湯送下  
空心服嗽甚者五味子湯下

十全大補湯

方見雜  
病虛勞

治氣血虛熱加柴胡地骨皮秦

芫

補虛退熱潤燥黃耆丸

聖

治婦人骨蒸煩熱四肢

羸瘦疼痛口乾心躁不得眠卧

黃耆

麥門冬

去心

茯神

北柴胡

甘草

生乾地黄各壹兩

酸棗仁炒

郁李仁

杏仁去皮尖雙仁炒黃

枸杞子

人參去心

黃芩各柒錢半

百合

枳殼去穰炒

赤芍藥

知母

秦艽各半兩

鼈甲製

右為細末煉蜜為丸如梧桐子大清粥吞下叁拾

丸無時候

地黃煎丸類

解勞生肌進食活血養心ラ

生地黄汁

杏仁汁

生薑汁

藕汁各伍升

薄荷汁

鵝梨汁各壹升

法酒貳升

沙蜜肆升

右慢火熬成膏入後藥ラ

北柴胡叁兩

木香

人參

茯苓

山藥

相子仁去皮研

遠志肉

枳實製

白朮各壹兩

秦艽

苦梗各貳兩

麝香半兩

熟地黄洗焙酒蒸肆兩

右為細末以前膏子和丸如梧子大食後甘草湯

下貳叁拾丸

攻補兼施人參散普濟

治婦人骨蒸勞身體壯熱手

臂疼痛月水不通日漸瘦悴兩脅氣刺四肢羸弱  
腹內塊生時有欬嗽不欲飲食

人參 去蘆

鼈甲 醋炙去裙襴

柴胡 去苗

地骨皮 各叁兩

羚羊角屑

赤茯苓

枳殼 麸炒微黃

牛膝 去蘆

貝母

栝樓根 各貳兩

知母 壹兩半

赤芍藥

苑仁 湯浸去皮尖雙仁

黃芩

當歸 各柒錢伍分

右為細末每服半兩以豬肝丁具用鹽醋葱白  
各少許和者空心食之後飲溫酒貳盞

赤茯苓散 聖惠

治婦人骨蒸及血勞等疾面色黃瘦

四肢無力煩疼痰壅涕唾稠粘不思飲食

鼈甲 製如前

赤茯苓

柴胡 去苗

麥門冬 去心

川大黃 剉碎微炒

人參 去蘆

木香

苑仁 製如前

白朮

瞿麥

赤芍藥

當歸

半夏 湯洗七遍去滑各柒錢半

右為麤散每服四錢以水壹中盞入生薑半分煎  
至六分去滓溫服無時

攻積天門冬丸 大

治伏連傳注腹中有堅鞭積氣

壅心胸作痺痛引脇背脘膈滿悶

鬼白

天門冬

去心各半 巴豆

莽草

不蛀皂角

葉子雄黃各壹兩

右為細末煉蜜為丸如小豆大每服壹丸漸加至  
參拾丸空心湯水吞下臨臥一服常宜斟酌勿令  
泄瀉忌鯉魚山豬蘆薈

破血劫痰

麥煎散類

治少男室女骨蒸婦人血風

攻疰四肢心胸煩壅

赤茯苓

當歸

乾漆生

鼈甲

醋炙

常山

大黃煨

北柴胡

白朮

石膏

生乾地黄各壹兩

甘草半兩

右為細末每服貳錢水壹盞小麥五十粒煎食後  
臨臥溫服有虛汗加麻黃根壹兩東坡云在黃州  
療骨蒸黃瘦口臭肌熱盜汗極効實此方如希世  
之珍

通經破血牡丹湯濟

治婦人骨蒸經脈不通漸增

瘦弱

牡丹皮壹兩半

桂去蘆皮

木通剉各壹兩

芍藥

土瓜根各壹兩半

鼈甲醋炙去裙

虛勞 女科二 三九

桃仁製如前 壹兩

右麤搗篩每服五錢水壹盞半煎至壹盞去滓溫

服空心食後

鼈甲丸聖惠 治婦人骨蒸勞月水不通脇下癥瘕往

往腹痛

鼈甲貳兩醋炙黃

土瓜根

桂心

京三稜

牡丹皮

牛膝去苗

川大黃剉碎 微炒

訶梨勒皮

琥珀各壹兩 細研

菝仁製壹兩

右為末煉蜜和搗三百杵丸如梧桐子大不計

時候以菝仁湯下參拾丸

清肺柴胡散聖惠 治婦人骨蒸勞熱咳嗽胸膈痰壅

腹脇妨悶不欲飲食

柴胡去苗

桑根白皮

麥門冬去心

赤茯苓各壹兩

川大黃剉碎 微炒

枳殼燒炒 去穰

百合

秦艽去苗

紫苑洗

黃芩

赤芍藥

知母

木通剉各半 錢半

半夏湯洗七遍 去滑

甘草炙微赤 各半兩

鼈甲貳兩 醋炙

右為麤散每服叁錢以水壹中盞入生薑壹錢叁



虛勞

女科二

分煎至六分去滓溫服無時

**涼劑黃連散**聖惠

治婦人骨蒸勞熱四體昏沈背膊

疼痛面色痿黃漸漸無功

黃連去鬚

知母各壹兩

鼈甲醋炙 貳兩

柴胡

木通各壹兩 兩半

麥門冬去心

白朮

地骨皮

黃芩

犀角屑各半 錢半

龍膽去蘆

甘草炙微赤 各半兩

右為麤散每服四錢以水壹中盞生薑壹錢大淡

竹葉貳七片煎至六分去滓溫服無時

青蒿散聖惠

治婦人骨蒸勞熱四肢煩疼日漸羸瘦

青蒿

鼈甲醋炙 各貳兩

柴胡去苗 壹兩半

黃連去鬚

黃耆

桑根白皮

白朮各壹兩

梔子仁

知母各半 錢半

地骨皮

甘草炙微赤 各半兩

龍膽草去蘆 貳錢半

右為麤散每服四錢以水壹中盞入生薑壹錢分煎至六分去滓溫服無時

豬肚丸類治骨蒸勞瘵頰赤氣羸口乾壯熱虛汗

太腸祕澀小便赤黃減食

青蒿

鼈甲醋炙

北柴胡

木香

生乾地黃各壹兩

青皮半兩

虛勞

女科二

三

宣連 貳兩

右為細末以豬肚壹箇洗淨入藥在內縛定蒸令極軟研如泥為丸如菉豆大湯下拾五丸空心日三服忌濕麪毒物

石膏散

靈苑

治女人骨蒸外寒內熱附骨蒸盛之時

四肢微瘦足跌腫者病在臟腑中

真石膏不以多少研極細每用新汲水和服方寸匕取身無熱為度此方非實熱能食大便實者不可服

寒熱並用青蒿鼈甲煎丸 聖濟

治婦人骨蒸勞退熱

解肌進食

九肋鼈甲

壹箇

北柴胡

貳兩

甘草

杏仁

桔梗

當歸

人參

地骨皮

赤芍藥

各壹兩

胡黃連

宣連

各貳錢半

官桂

木香

各半兩

麝香

壹字

酥

蜜

各叁兩

右為細末用青蒿壹觔童子小便五升好酒壹升熬青蒿汁約貳升已來搗去青蒿不用入酥蜜再熬成膏冷後入藥末搜和為丸如梧桐子大每服

9

十五九溫酒下米飲亦得日三服如秋後合再入  
桃柳枝七莖此藥甚妙即局方人參鼈甲丸也

傳尸

天靈蓋散聖惠

治婦人骨蒸勞四肢無力每至

晚間即熱兩頰紅色飲食不下心神煩躁

天靈蓋酥炙

安息香

地骨皮

當歸

人參去蘆

山梔子仁

貝母去心

黃連

桃仁去皮尖雙

檳榔各壹兩

鼈甲醋炙

北柴胡

生乾地黄

赤茯苓

麥門冬各壹兩半

阿魏半兩

右為麤末以童子小便壹大盞桃柳枝各七寸薑  
五片葱白五寸藥四錢煎至七分去滓溫服

益母草濟

治婦人骨蒸勞瘦月候不通心神煩

熱四肢疼痛不能飲食

益母草

青蒿各貳

桃枝壹握長壹尺

柳枝壹握長壹尺

已上四味細剉用童子小便壹斗於銀鍋中煎至  
參升絞去滓煎成膏

柴胡去苗

赤芍藥

犀角屑各貳兩

朱砂壹兩細研水飛過

天靈蓋酥炙微黃

木香

甘草炙微赤各壹兩 龍甲參兩製 苑仁伍兩製淨

麝香半兩細研

右為末用益母草煎都和搗五七百杵丸如梧桐子大每以烏梅甘草湯下參拾丸無時

獺肝丸聖惠 治婦人骨蒸勞熱體瘦煩疼不欲飲食

獺肝壹具

蟹甲醋炙

北柴胡各壹兩半

川升麻

桃仁製

天靈蓋酥炙

犀角屑

梔子仁

地骨皮

知母各壹兩

黃耆半兩

甘草半兩

麝香貳錢半另研

朱砂壹兩細研水飛

時 右為細末煉蜜丸如梧桐子大溫水下參拾丸無時

殺鬼方聖惠 治婦人骨蒸傳尸勞瘦鬼氣伏連

麝香半兩

犀角屑

木香

白朮

鬼箭羽各壹兩

虎頭骨酥炙黃色

天靈蓋醋炙

桃仁去皮尖雙仁麩炒黃

朱砂光明者另研各壹兩半

右為細末入研了藥和勻煉蜜丸如梧桐子大溫水下貳拾丸此藥辟瘟疫亦可帶

止嗽溫金散類 治勞嗽

甘草

黃芩

桑白皮

防風各壹兩

杏仁貳拾枚製

人參

茯苓各半兩

麥門冬壹分

右前五味以米泔浸一宿曬乾次入人參茯苓麥

門冬三味同為細末每服貳錢水壹盞蠟壹豆大

煎入分食後溫服

一方類永調榮衛消瘀血出聲音治痰嗽

當歸

牡丹皮

白芍

子芩

木通

麥門冬

甘草

細辛各半兩

生乾地黄各壹兩

右咳嗽每服參錢薑參片水煎溫服

一方類永治肌瘦咯血肺痿等疾

蛤蚧壹雙全者酒浸一宿酥炙知母

貝母去心

人參

甘草

杏仁製

枇杷葉去毛炒

鹿角膠炒各壹兩

右為細末每服參錢水壹盞入桑白皮溫服

補肺湯類永治勞嗽

桑白皮

熟地黄各貳兩

人參

紫苑

黃耆

五味子各壹兩

右為細末每服貳錢水壹盞入蜜少許食後溫服

四君子湯加秦艽黃蠟煎服尤妙

治胸痺一方類永 治心胸積氣作胸痺引兩脇痛昏

悶不收音聲不清虛熱上壅作鼻衄

桑白皮分參 枳殼 木通

子芩 生乾地黄 白芍藥

甘草各半兩

右為麤末每服參錢水煎食後溫服

一方類永 治伏瘀血在心肺時作衄心胸徹背痛

白芍藥 牡丹皮各壹兩 生犀屑半兩

生地黄參兩 別槌

右咬咀每服半兩水煎溫服

瓜蒌湯類永 治胸痺

瓜蒌壹箇 枳殼肆枚 厚朴

薤白各壹兩 桂枝壹兩有熟者除

右咬咀水煎溫服

一方類永 治積氣堅硬作氣噎胸脇引背痛

白芍藥壹兩半 鱉甲醋炙 枳殼製

北柴胡各壹兩 甘草 赤茯苓各半兩

右咬咀每服參錢生薑參片棗壹枚水煎溫服

出音聲一方類永 治失聲音

訶子肉

木通 各壹兩

甘草 半兩

右咬咀水參升煎至升半入生地黃壹合再煎數沸放溫分六服食後日作半料

治喉痛一方類 咽喉痛

百藥煎 去黑皮

硼砂

甘草

生白礬 各等分

右為細末每服壹錢食後米飲調細細呷嚥已上諸方辰陽李倅傳屢救入甚効服藥止可食淡煮豬蹄肉仍須煮熟肉去元汁再以白湯熟煮仍忌房勞生冷魚腥鹹醃藏等修合煎藥忌一切

血風勞

生人男女猶犬雞畜見仍不令病人知藥味大兩効

血風勞

天婦人血風勞證因氣血素虛經候不調或外傷風邪內挾宿冷致使陰陽不和經絡痞澀腹中堅痛四肢痠疼月水或斷或來面色痿黃羸瘦又有因產後未滿百日不謹將護臟腑虛損百脉枯竭遂致勞損久不瘥則變寒熱休作有時飲食減少肌膚瘦瘠遇經水當至即頭自昏眩胸背拘急四肢疼痛身體煩熱足重面浮或經水不通故謂之血風勞氣也薛東垣云喜怒不節起居不時有所勞傷皆損

血風勞

其氣衰則火旺，火旺則乘其脾土，脾主四肢，故困熱懶言，動作喘乏，表熱自汗，心煩不安，當病之時，宜安心靜坐，存養其氣，以甘寒瀉其熱，氣以酸味收其散，氣以甘溫補其中，氣經言勞者溫之，損者溫之，要略云：平人脈大為勞，以黃耆建中湯治之。○一婦人勞則足跟熱痛，此足三陰血虛，用聖愈湯而痊。後徧身瘙癢，誤服風藥，發熱抽搐，肝脈洪數，此肝家血虛火盛而生風，以天竺黃、膽星為丸，用四物、麥門、五味、芩、連、炙甘草、山梔、柴胡煎送而愈。一婦素清苦勤於女工，因感風邪，自用表散之劑，反朝寒暮熱，自汗

盜汗，形氣虛甚，其脈或浮洪或微細，其面或青白或痿黃，此邪去而氣血愈虛也，用十全大補湯二十餘劑漸愈。又用加味逍遙散兼治半載而痊。人參、荆芥散良方治婦人血風發熱，身體疼痛，頭昏目澀，心忪煩倦，寒熱盜汗，頰赤，口乾痰嗽，胸滿精神不爽，或月水不調，臍腹疔痛，疝瘕塊硬，疼痛發歇，或時嘔逆，飲食不進，或因產將理失節，淹延瘦瘁，乍起乍卧，甚即着床。

- 人參
- 荆芥穗
- 生乾地黄
- 北柴胡
- 鼈甲醋炙
- 酸棗仁



枳殼製

羚羊角 別錫

白木 各半 錢半

桂心

甘草

防風

川芎

當歸 各半 兩

右為麤末每服五錢水壹盞半生薑參片煎至八

分去滓熱服無時

地骨皮散大全良方 治婦人血風氣體虛弱寒熱發渴

地骨皮

桑白皮

枳殼

前胡

黃耆 各壹 錢半

白茯苓

五加皮

白芍藥

人參 各壹 錢

柴胡 貳錢

官桂

甘草 各半 錢

右作壹服水貳鍾生薑參片煎至壹鍾不拘時服

地黃煎大全良方 治婦人血風勞心忪發熱不退

生乾地黃

熟乾地黃

右等分為細末用生薑自然汁和水打糊為丸如

梧桐子大每服參拾丸用地黃湯下或只茶酒醋

湯下亦可食後日三服覺臟腑虛冷早間先服八

味丸一服不可謂地黃性冷沮如壞脾太槩陰虛

則發熱蓋地黃大能補陰益陰血退熱也 薛云

前方肝脾血虛發熱內熱晡熱盜汗作渴體倦筋

骨疼痛筋脉拘攣血虛發躁虛熱生痰咳嗽之良

劑若因肝脾腎精血燥熱生痰胸膈痞滿喘咳作渴及一切虛火證必用六味丸為主  
乞力伽散良方治血虛肌熱又治小兒脾虛蒸熱羸瘦不能飲食

白朮

白芍藥

白茯苓各壹兩

甘草半兩

右為細末薑棗煎叁錢服

大効油煎散良方治血風勞氣攻疰四肢腰背疼

麻痺血海冷敗神効

此痛嘔逆醋心不思飲食日漸羸瘦面色痿黃手足

五加皮

川烏炮

芍藥

海桐皮

牡丹皮各壹兩

桂心

乾薑

川芎各半兩

右為細末每服貳錢水壹盞生麻油浸錢壹文同煎至六分溫服常服以油浸貳錢煎藥時不可攪

喫藥時不可吹

治血風勞方良方

牡丹皮

地骨皮

防風

甘草

黑豆

白芷

白芍藥各壹兩

荆芥穗貳兩

川芎貳錢半

虛勞

女科二

右為細末每服貳錢水壹中盞薑炙片棗壹箇葱  
白壹寸煎至八分溫服無時

馬鞭草散大全良方治血風攻透肢體疼痛或覺瘙癢  
或覺痺麻作寒作熱飲食減味

馬鞭草去梗

荆芥穗

北柴胡

烏梅肉各貳兩

枳殼

白朮

羌活

白芍藥各壹

秦艽

天台烏藥

麻黃各壹兩半

木香半兩

當歸

川烏炮

甘草各壹兩

右為細末每服叁錢水壹盞生薑叁片棗壹枚葱

白貳寸煎至七分日午臨卧溫服常服無忌有孕  
勿服

琥珀散聖惠治婦人血風勞氣臍腹疼痛經脉不調  
漸加羸瘦

琥珀細研

白朮

當歸

桃仁去皮尖

赤芍藥各壹錢半

柴胡去苗

鼈甲醋炙各壹兩

延胡索

紅花子

牡丹皮

桂心各半兩

右為散每服四錢水壹中盞入生薑半分煎至六  
分去滓食前稍熱服

虛勞

女科二

茯神散聖

治婦人血風勞氣頭目赤胸背氣壅四

肢疼痛心煩驚悸少欲飲食

柴胡去苗

石膏各貳兩

茯神

羚羊角

防風去蘆

赤芍藥

人參去蘆

天門冬去心

獨活

郁李仁去皮微炒

生乾地黄

枳殼麩炒去穰各壹兩

甘草炙半兩

桃仁湯浸去皮尖雙仁麩炒黃研如泥壹兩半

右為散每服四錢以水壹中盞入生薑半分煎至六分去滓溫服無時

逍遙散神巧萬全方

治血風勞解五心煩躁心多怔忡

恍惚憂懼頭目昏重夜多盜汗

人參

白茯苓去皮

柴胡去苗

白朮炒

黃耆

右各等分為散每服叁錢入甘草壹寸同煎六分

溫服

熟乾地黄散神巧萬全方

治婦人血風勞冷氣攻心腹

疼痛四肢不和食減少日漸羸瘦

熟乾地黄

柴胡

黃耆

蒼朮

牛膝去苗各壹兩

鼈甲醋炙黃貳兩

白芍藥

當歸

薑黃

琥珀

厚朴

川芎

陳橘皮

木香

桂心

羌活

右為散每服四錢以水壹中蓋生薑半分煎六分

熱服

琥珀丸

博濟方

治血風虛勞上熱下冷或發動即心中煩躁困乏無力不美飲食醋心口瘡月水不調

肌肉黃瘁腹痛腸鳴或有氣塊攻衝或時作寒熱頭旋痰逆手足麻痺大宜常服

琥珀

當歸

木香

川芎

防風

檳榔

三稜

乾薑

桂心

吳白朮

柴胡

人參

青皮

吳茱萸

全蝎

附子

草豆蔻

赤芍藥

栝葉

白芷

天麻

桃仁

敗龜甲

鼈甲

右為細末煉蜜丸如梧桐子大每日空心酒下貳拾丸午前近晚更進一服如覺煖近晚不須服如腹內塊積攻築於鼈甲桃仁檳榔三稜各加一倍

為妙忌生冷葱蒜菜毒魚等物

鼈甲丸大良方全治婦人血風勞氣四肢羸瘦疼痛經

脉不利飲食無味漸加虛困

鼈甲 紫苑 桂心

川芎 防風 川牛膝

當歸 秦艽 人參

桃仁 琥珀各壹兩 黃耆

赤芍 龜蟲製 水蛭製

鬼箭羽 白朮 羌活各柒伍分

熟地黃壹兩半 麝香貳錢半

右為細末煉蜜丸如梧桐子大空心食前溫酒下  
參拾丸

牡丹丸聖濟總錄治婦人血風勞氣氣塊攻心日漸黃

瘦經脉不行

牡丹皮 郁李仁湯浸去皮各貳兩 芍藥

當歸 芎藭 桂心

苦參 大黃醋炒各壹兩 貝母半兩

右為細末煉蜜丸如梧桐子大每服貳拾丸食前

溫酒下日二名

柴胡丸聖濟治婦人血風勞氣頭目昏眩胸背拘急

四肢痠疼心躁煩熱氣滿腹脹腰膝無力經脈不調

柴胡去苗 黃連去鬚 知母焙

赤芍藥 龍膽 黃芩去苗

地骨皮 麥門冬去心 茯神去木

甘草炙各壹兩 檳榔半米錢

右為末煉蜜丸如梧桐子大每服貳拾丸溫酒下無時

客熱

大客熱者因體虛而將溫過度外熱加之非臟腑自生故云客熱其狀上焦胸膈之間虛熱口燥心煩手足壯熱者是也薛前證若客邪所侵用補中益氣加川芎防風肝虛血少六味地黄丸胃火飲冷錢氏瀉黃散胃虛飲湯七味白朮散潮熱時熱八珍湯晡熱內熱逍遙散發熱體倦補中益氣湯志怒發熱小柴胡湯鬱怒發熱加味歸脾湯寅卯酉戌時熱升陽益陰湯大麥門冬散治婦人客熱四肢煩悶疼痛飲食不

客熱

女科二

四十五

下

麥門冬

柴胡 各壹錢半

黃耆

赤茯苓

桑白皮

羚羊角屑 各壹錢

右作一服水貳鍾生薑參片煎至壹鍾不拘時服

犀角散 治婦人客熱四肢煩悶疼痛飲食不下

犀角屑

赤芍藥

地骨皮

赤茯苓

紅花

人參

枳殼

麥門冬 各壹錢

柴胡 貳錢

黃耆 貳錢半

甘草 半錢

右作一服水貳鍾生薑參片煎至壹鍾不拘時服  
黃耆飲 治婦人客熱心胸壅悶肢節煩疼不思飲食

黃耆

生地黄 各貳錢

人參

茯苓 炒

犀角屑

瓜蒌仁

黃芩 各壹錢

甘草 半錢

右作一服水貳鍾淡竹葉五片煎至壹鍾不拘時服

服

丹砂散 治婦人客熱心神煩躁口乾舌澀飲食無

味



女科二

丹砂壹兩 飛過 細研

犀角屑

天竺黃

胡黃連各半

麥門冬去心 焙 貳兩

寒水石細研

馬牙硝壹分 細研

鈔霜半兩 細研

右為細末入研了藥和勻每以竹葉湯調下壹錢無時

玉霜散 治婦人客熱煩渴頭痛痰涌如泉

石膏貳兩 細研 水飛過

寒水石壹兩 細研

右和勻每以生地黄汁調下壹錢無時

生乾地黄丸 治婦人客熱面赤頭疼口舌生瘡心

胸煩壅飲食無味

生乾地黄壹兩

羚羊角屑

白蘚皮

歲蕤各半

黃連去鬚 錢半

黃耆炙 微赤 半兩

麥門冬貳兩 去心 焙

犀角屑

地骨皮

甘草炙 微赤 各半兩

川大黃壹兩

右為細末煉蜜和搗二三百杵丸如梧桐子大每以溫水下參拾丸無時

敗毒散 治婦人客熱四肢煩悶疼痛不思飲食甚

者可加地骨皮黃芩方見雜 病傷濕

大經曰陽不足則先寒後熱陰不足則先熱後寒皆  
 由勞傷氣血陰陽不調寒熱如瘧也當分氣血虛實  
 而治之  
 薛前症若寸口脉微名曰陽不足則陰氣  
 上入於陽中用補中益氣湯若尺部脉弱名曰陰不  
 足則陽氣下陷入陰中用益陰腎氣丸若因氣血俱  
 虛用八珍湯若因怒動肝火用小柴胡湯若陰陽俱  
 不足則氣血不歸其本部以致寒熱交爭也一婦人  
 年六十有四久鬱怒頭痛寒熱春間乳內時痛服流  
 氣飲之類益甚時有血如經行又大驚恐飲食不進

寒熱 師尼寡婦附

大經曰陽不足則先寒後熱陰不足則先熱後寒皆  
 由勞傷氣血陰陽不調寒熱如瘧也當分氣血虛實  
 而治之  
 薛前症若寸口脉微名曰陽不足則陰氣  
 上入於陽中用補中益氣湯若尺部脉弱名曰陰不  
 足則陽氣下陷入陰中用益陰腎氣丸若因氣血俱  
 虛用八珍湯若因怒動肝火用小柴胡湯若陰陽俱  
 不足則氣血不歸其本部以致寒熱交爭也一婦人  
 年六十有四久鬱怒頭痛寒熱春間乳內時痛服流  
 氣飲之類益甚時有血如經行又大驚恐飲食不進

夜寐不寧兩乳腫脹兩脇痠痛午後色赤余以為肝脾鬱怒火燥先以逍遙散加酒炒黑龍膽一錢山桅一錢五分服一劑腫痛頓愈又一劑全愈再用歸脾湯加炒梔貝母諸症悉愈

大地骨皮散 治血風氣虛時作寒熱或晡熱內熱

柴胡 地骨皮 各壹兩 桑白皮 炒

枳殼 炒 前胡 黃耆 炒各柒錢伍分

白茯苓 五加皮 人參

甘草 桂心 白芍藥 各半

右咬咀每服參五錢水壹盞半生薑二片煎至七

分溫服

生地黄散 治婦人血氣不調或時寒熱體痛不思飲食

飲食

生乾地黄 北柴胡 各壹兩 羌活

木香 桂心 防風 各半

酸棗仁 炒 羚羊角 屑 白芍藥

白木 黃耆 川牛膝

白茯苓 當歸 枳殼 各柒錢伍分

右咬咀每服參五錢水壹盞薑參片煎至七分去

滓空心溫服

異功散 治婦人血氣虛冷時發刺痛頭目昏悶四肢無力寒熱往來狀似勞倦並宜服之

烏藥

川芎

苦梗

玄胡索

當歸

陳皮各壹錢半

官桂

牡丹皮

芍藥

白芷

乾薑各壹錢

右作一服用水貳鍾生薑二片煎至壹鍾入酒半盞再煎一上沸不拘時  
右三方內有桂唯寒多者宜之  
第二方無滯氣活血尤不宜服

七寶湯 治寒熱往來

防風去蘆

知母

生地黄各半兩

柴胡去蘆

秦艽

甘草炙

前胡去蘆各貳錢半

右咬咀每服五錢水壹盞半加入參叁寸煎至七分熱服

柴胡散 治婦人寒熱體瘦肢節疼痛口乾心煩不欲飲食

北柴胡

赤茯苓

黃耆

白木各壹錢

麥門冬叁錢

鼈甲醋炙貳錢

人參

地骨皮

枳殼

麩炒

生地黃

桑白皮

赤芍藥

桔梗

甘草 各半錢

右作二服水貳鍾生薑參片煎至壹鍾不拘時服

桃仁丸 治婦人頭目昏重心神煩悶或時寒熱肢

節疼痛不欲飲食

桃仁 湯浸去皮尖雙

芎藭

白木

柴胡 去苗

人參 去蘆

生地黃

酸棗仁 微炒各壹兩

赤茯苓

訶黎勒皮 各柒錢半

枳殼 麩炒微黃去穢

赤芍藥 各半兩

右為末煉蜜和搗三百杵丸如梧桐子大每以

生薑荆芥薄荷湯下參拾丸

青蒿散

治男子婦人肢體倦疼虛勞寒熱用青蒿

八九月間將成實時採去枝梗以膏用童子小便

浸三日曬乾為末每服貳錢烏梅壹箇煎至七分

服

右三方熱多者宜之

師尼寡婦異乎妻妾之治

羅劉宋褚澄療師尼寡婦

別製方者蓋有謂也此一種寡居獨陰無陽慾心萌而多不遂是以陰陽交爭乍寒乍熱全類溫瘧久則

爲勞嘗讀史記倉公傳載濟北王侍人韓女病腰背  
痛寒熱衆醫皆以爲寒熱病治之不瘥倉公曰此病  
得之欲男子不可得也衆曰何以知欲男子不可得  
倉公曰診其脉肝脉弦出寸口是以知之蓋男子以  
精爲主婦人以血爲主男子精盛以思室婦人血盛  
以懷胎夫肝攝血者也是厥陰肝脉弦出寸口上魚  
際則陰盛可知故知褚氏之言信有謂矣  
大師尼寡婦與室女出嫁愆期者多因欲心萌而不  
遂懨懨成病乍寒乍熱久則爲勞又有經閉白淫痰  
逆頭風膈氣痞悶面黧瘦瘠等證皆寡婦之病也

薛前證若肝脉弦出魚際用小柴胡加生地黄送下  
生地黄在久而血虛佐以四物湯若兼怒動肝火  
而寒熱者佐以加味逍遙散若兼虧損肝經而寒  
熱者佐以八珍湯若兼虧損元氣而寒熱者佐以  
補中益氣湯若兼鬱傷脾氣而寒熱者佐以濟生  
歸脾湯一婦人因夫經商久不歸發寒熱月經旬  
日方止服降火涼血藥反潮熱內熱自汗盜汗月經  
頻數余曰熱汗氣血虛也經頻肝脾虛也用歸脾湯  
六味丸而愈嘗治兼證旣愈而寒熱不衰當仍用本  
證藥一婦人年三十有七早孀居兩腿骨作痛晡

寒熱 女科二 五十一  
熱體倦月經不調或發寒熱數年矣一日頸項兩側  
結核兩脇脹痛此係肝經鬱火而成也先用小柴胡  
湯合四物數劑肝症頓愈又用加味道遙散加澤蘭  
乳香沒藥三十劑血症漸痊再用加味歸脾湯年餘  
而安 一婦婦兩腿作痛或用除濕化痰等藥遍身  
作痛而無定處此血症也不信乃服流氣飲之類而  
破 一放出宮人年四十餘臀腿肉股作痛晡熱口  
乾月經不調此係肝經血少不能養經絡而然也宜  
加味道遙散加澤蘭葉五十帖諸症稍緩又以歸脾  
湯二百餘劑而痊 一放出宮人臀腿腫痛肉熱晡

熱惡寒體倦咳嗽胸痞月經過期而少彼以為氣毒  
流注服清熱理氣之劑益甚此肝經瘀血停留所致  
蓋肝經上貫膈布脇肋循喉嚨下循膈內賺繞陰器  
抵少腹主治之法但當補其所不勝而制其所勝補  
者脾也制者肝也經曰虛即補之實則瀉之此定法  
也彼不信仍服前藥遂致不起

本生地黄丸 許學士治一尼患惡風體倦乍寒乍  
熱面赤心悸或時自汗是時疫氣大行醫見其寒  
熱作傷寒治之用大小柴胡湯雜進數日病急召  
予診之三部無寒邪脈但厥陰弦長而上魚際宜

服抑陰等藥故製此方

生地黄

貳兩

柴胡

秦艽

黃芩

各半兩

芍藥

壹兩

右為細末煉蜜丸如桐子大每服叁拾丸用烏梅湯吞下日三服不拘時

惡寒

大婦人惡寒者亦有陰陽二證發熱而惡寒者發於陽也無熱而惡寒者發於陰也發於陽者宜解表脉必浮數發於陰者宜溫裏脉必沉細又有汗後利後惡寒及背惡寒已上疾證方治並載百問不復繁引僕嘗治一婦人但惡寒別無他證六脉平靜遂用敗毒散而安此藥能去表中風邪故也經云惡寒家慎不可過當覆衣被及近火氣寒熱相薄脉道沉伏愈令病人寒不可過但去被撤火兼以和表之藥自然不惡寒矣婦人惡寒尤不可近火寒氣入腹血室結

惡寒

女科二

五十四



聚針藥所不能治矣。薛前證若怠惰嗜卧洒淅惡寒乃陽不能伸發用升陽益胃湯若勞傷形氣而惡寒乃無陽以護衛用補中益氣湯若飲食傷脾胃而惡寒乃元氣虛損用六君子湯若加煩躁妄言或欲飲水仍進前劑但加薑桂若體倦煩渴頭痛自汗用補中益氣湯加五味麥門東垣云晝則發熱惡寒是陰氣上溢於陽分也夜則惡寒是陰血自旺於陰分也海藏云六月大熱之氣反得大寒之證當捨時從證治以薑桂之類丹溪云久病惡寒乃痰鬱於脾抑遏陽氣不得外泄治當解鬱。

### 中風

藥隱云婦人中風角弓反張風痺手足不隨偏枯口噤口眼喎斜風眩頭痛血風心神驚悸癩狂骨節風血風走注瘙痒癩疹風痰諸證雖各有方論亦要先明其大體察脉之虛實辨證之冷熱相入強弱入臟入腑在絡在經首以方調治未要猛速用藥今之治法先宜順氣然後治風萬不失一蓋有中風中寒中暈中痰中氣皆能令人涎潮昏塞所謂朱紫相凌玉石不分醫者不可不詳而究之如中風若作中氣治之十愈八九中氣若作中風治之十無一生所以疑

惑之間不問中風中氣首以蘇合香丸五積散加麝煎如中痰則有參蘇飲如中寒則有理中湯如中暈則有白虎湯如的然是中風有三生飲木香煮散排風續命風引大小竹瀝大入風湯辨其冷熱虛實而投之未有不<sub>カ</sub>安者也然此疾積襲之久非一日所能致今人服藥三五服便責無効其責醫者亦速矣正宜大劑久服方有其効孟子曰七年之病求三年之艾也

**大**夫中風者虛風中於人也風是四時八方之氣常以冬至之日自坎而起候其八方之風從其鄉來者主長養萬物若不從其鄉來者名為虛賊風

害萬物人體虛者則中之當時雖不即發停在肌膚後或重傷於風前後重昏因體虛則發入臟腑俞俞皆在背中風多從俞入隨所中之愈而乃發病婦人血氣虛損故令中風也當察口眼開闔以別重輕涎沫有無以明證治如眼開口閉手足不開涎不作聲者可治如眼閉口開聲如鼾睡遺尿不覺者死按卒仆暴厥之證不論男子婦人是風是寒是氣是食是痰是濕但要分得閉與脫二證明白如牙關緊閉兩手握固即是閉證宜蘇合香丸三生飲之類開之若口開手撒即是脫證宜用大劑黃芪人參煎濃湯

灌之雖曰在法不治亦十救五六若誤服蘇合香丸  
之類即不可救矣蓋斬關奪門之藥原為閉證設若  
施之脫證是人既入井而又下之石也

薛中風者即內經所謂偏枯風痲風痺是也而  
有中腑中臟中血脉之分焉夫中腑者為在表中臟  
者為在裏中血脉者為在中在表者宜微汗在裏者  
宜微下在中者宜調榮中腑者多著四肢如手足拘  
急不仁惡風寒此數者病淺皆易治用加減續命湯  
之類中臟者多滯九竅如眼瞽者中于肝舌不能言  
者中于心唇緩便秘者中于脾鼻塞者中于肺耳聾

者中于腎此數者病深多難治中血脉者外無六經  
之證內無便溺之阻肢不能舉口不能言用大秦朮  
湯主之中腑者多兼中臟如左關脈浮弦面自青左  
脇偏痛筋脈拘急目瞶頭自眩手足不收坐踞不得  
此中膽兼中肝也用犀角散之類如左寸脈浮洪面  
舌赤汗多惡風心神顛倒言語謇澁舌強口乾忪悸  
恍惚此中小腸兼中心也用麻黃散之類如右關脈  
浮緩或浮大面唇黃汗多惡風口喎語澀身重怠惰  
嗜卧肌膚不仁皮肉瞶動腹膨不食此中胃兼中脾  
也用防風散之類如右寸脈浮濇而短面色白鼻流

清涕多喘胸中冒悶短氣自汗聲嘶四肢痿弱此中  
大腸兼中肺也用五味子湯之類如左尺脉浮滑面  
目黧黑腰脊痛引小腹不能俛仰兩耳虛鳴骨節疼  
痛足痿善恐此中膀胱兼中腎也用獨活散之類此  
皆言真中風也而有氣血之分焉蓋氣虛而中者由  
元氣虛而賊風襲之則右手足不仁用六君子湯加  
釣藤薑汁竹瀝血虛而中者由陰血虛而賊風襲之  
則左手足不仁用四物湯加釣藤竹瀝薑汁氣血俱  
虛而中者則左右手足皆不仁也用八珍湯加釣藤  
薑汁竹瀝其與中風相類者則有中寒中濕中火中

氣食厥勞傷房勞等證如中於寒者謂冬月卒中寒  
氣昏冒口噤肢攣惡寒脉浮緊用麻黃桂枝理中湯  
之類中於暑者謂夏月卒冒炎暑昏冒痰厥吐瀉喘  
滿用十味香薷飲之類中於濕者丹溪所謂東南之  
人多因濕土生痰痰生熱熱生風也用清燥湯之類  
加竹瀝薑汁中於火者河間所謂非肝木之風內中  
六淫之邪外侵良由五志過極火盛水衰熱氣拂鬱  
昏冒而卒仆也用六味丸四君子獨參湯之類內有  
恚怒傷肝火動上炎者用柴胡湯之類中於氣者由  
七情過極氣厥昏冒或牙關緊急用蘇合香丸之類

誤作風治者死食厥者過於飲食胃氣自傷不能運  
 化故昏冒也用六君子加木香勞傷者過於勞役耗  
 損元氣脾胃虛衰不任風寒故昏冒也用補中益氣  
 湯房勞者因腎虛精耗氣不歸源故昏冒也用六味  
 丸此皆類中風者也夫內經主於風河間主於火東  
 垣主於氣丹溪主於濕愚之斯論僭補前人之闕也  
 若夫地之南北人之虛實固有不同其男子女人太  
 略相似當與後論參看通變治之內方並見 斬閣  
 老夫人先胸脇脹痛後四肢不收自汗如冰小便自  
 遺大便不實口緊目瞶飲食頗進十餘日矣或以為

中臟公甚憂余曰非也若風既中臟真氣既脫惡證  
 既見禍在反掌焉能延之乃候其色面目俱赤面時  
 或青診其脈左三部洪數惟肝尤甚余曰胸乳脹痛  
 肝經血虛肝氣痞塞也四肢不收肝經血虛不能養  
 筋也自汗不止肝經風熱津液妄泄也小便自遺肝  
 經熱甚陰挺失職也大便不實肝木熾盛剋脾土也  
 遂用犀角散四劑諸證頓愈又用加味道遙散調理  
 而安後因鬱怒前證復作兼發熱嘔吐飲食少思月  
 經不止此木盛剋土而脾不能攝血也用加味歸脾  
 湯為主佐以加味道遙散調補肝脾之氣清和肝脾

之血而愈後每遇怒或睡中手足抽搐復用前藥即愈  
大參朱雲溪母於九月內忽仆地痰昧不省人事  
唇口喎斜左目緊小或用痰血之劑其勢稍緩至  
次年四月初其病復作仍進前藥勢亦漸緩至六月  
終病乃大作小便自遺或謂風中於臟以為不治余  
診之左關弦洪而數此屬肝火血燥也遂用六味丸  
加五味子麥門芎歸一劑而飲食頓進小便頓調隨  
用補中益氣加茯苓山梔釣藤丹皮而安至十月復  
以傷食腹痛作瀉左目仍小兩關尺脈弦洪鼓指余  
以六君加木香吳茱升麻柴胡一劑而痛瀉俱緩復

以六君加肉果故紙一劑諸脈頓平痛瀉俱止余謂  
左關弦洪由肝火血燥故左目緊小右關弦洪由肝  
邪乘脾故唇口喎邪腹痛作瀉一尺鼓指由元氣下  
陷設以目緊口喎誤作風中投以風藥以腹痛泄瀉  
誤作積滯投以峻劑復耗元氣為害甚矣後以陽虛  
惡寒圍火過執致痰喘誤服寒劑而卒一婦人因  
怒仆地語言蹇澁口眼喎斜四肢拘急汗出遺尿六  
脈洪大肝脈尤甚皆由肝火熾盛蓋肝主小便因熱  
甚而自遺也用加味逍遙散加釣藤及六味丸尋愈  
一老婦兩臂不遂語言蹇澁服祛風之藥反致筋

中風  
女科  
攣骨痛余謂此肝火血虛所致用八珍湯補氣血用  
地黃丸補腎水佐以排風湯年餘而愈一婦人經  
行口眼歪斜痰涎壅盛此血虛而肝火動用加味道  
遙散加丹皮治之尋愈後因飲食停滯日吐痰涎此  
脾氣虛不能攝涎歸經也用六君子二十餘劑而安  
一婦人因怒口眼喎斜痰涎上涌口噤發搐此脾  
肺氣虛而肝木旺用六君子加木香鈞藤柴胡治之  
漸愈又用加味歸脾湯調理而安一產婦勤於女  
工忽仆地牙關緊急痰喘氣粗四肢不遂此氣血虛  
而發瘧朝用補中益氣加茯苓半夏夕用八珍加半

夏各二十餘劑不應此氣血之未復藥之未及也仍  
用前一湯又五十餘劑尋愈一婦人素性急患肝  
風之證常服搜風順氣丸秦艽湯之類後因大怒吐  
血唇口牽緊小便頻數或時自遺余以為肝火旺而  
血妄行遂用小柴胡湯加山梔牡丹皮漸愈五年之  
後又大怒吐血誤服降火祛風化痰之劑大便頻數  
胸滿少食用清氣化痰之劑嘔而不食頭暈口乾不  
時吐痰用導痰降火之類痰出如涌四肢常冷余曰  
嘔而不食胃氣虛弱也頭暈口乾中氣不能上升也  
痰出如涌脾氣不能攝涎也四肢逆冷脾氣不能運

行也用補中益氣加茯苓半夏治之諸證漸愈又用  
加味歸脾湯兼服而安。陳癸丑春有一婦人年四  
十二三其證語言氣短足弱行得數步則口若含霜  
七十日內三次經行則口冷頭目眩暈足冷則透心  
冷痛每行則口中冷氣不相續有時鼻中熱面赤翕  
然而熱身體不仁不能行步手足不隨不能俛仰冷  
痺骨疼有時悲傷夢與前夫相隨則止氣奄然而極  
心驚志意不定恍惚多忘却能食如此僅一年許醫  
者投熱藥則面翕然而熱氣滿胸中咽中窒塞悶絕  
投冷藥則瀉又一醫者以十全湯服之則發煩躁心

驚而跳一醫以雙和湯服之覺面上與腹中如火燻  
心愈驚欲吐不吐太便秘裏急後重求僕診之六味  
弦緩喜見於春此是可治之疾未供藥間忽然吐瀉  
瀉後覺肛門如火雖瀉却不多僕且與俞山人降氣  
湯入服次日診之脈差有力云服藥後覺鼻熱心煩  
悶齒禁與參蘇飲入服黃連圓壹兩越三日云服藥  
後如故與茯苓補心湯服皆無効僕以脈證詳之只  
是排風湯甚對或曰何以知之。一能食飲此風飢也  
二七十月二次經行此是榮經有風血得風散也三  
頭目眩暈此肝風也四面赤翕然而熱悲傷此心風



也五身體不仁不能行步夢與前夫相隨此脾風也  
六手足不隨腰痛難俛仰冷痺骨疼此腎風也因令  
人心驚恍惚多忘真排風湯證也或曰風脈當浮今  
脈弦緩微弱恐非風也予曰風無一定之脈大抵此  
證虛腎生風然排風湯藥品有十全大補湯料亦有  
平補之資却不僭燥供十服越三日云服有勁脈亦  
差勝只是腹中如烟生微熱大便秘此真是風證再  
與排風湯服加牛黃清心丸皂角圓助之越三日云  
服前藥大煩躁發熱諸證悉除只是足弱不能支時  
與秘傳降氣湯十服諸證悉退只是夢裏虛驚大便

滑泄頻數脈尚弱與五積散加入參鹽煎蕪感應在  
即愈但頭眩痛重不能久立久坐再與排風湯脫然  
而安矣 繆安人年六十忽中風不省人事無汗有  
痰衆醫為不可治召僕診之脈浮緩脾脈溢關此真  
風脈先以參蘇飲六服寬氣下痰次以木香煮散而  
愈 馬觀文夫人於七月間病氣弱倦怠四肢厥逆  
惡寒有汗少飲食一醫謂伏暑一醫謂虛寒治皆無  
效召僕診之六脈雖弱而兩關差甚焉問是何證僕  
曰六脈雖弱而關獨甚此中焦寒也中焦脾也脾胃  
既寒不但有此證必有腹痛吐瀉今四肢厥冷脾屬

四肢是脾胃虛冷無疑焉曰未見腹痛吐瀉之證合用何治僕曰宜附子理中湯未服藥間旋即腹痛而瀉莫不神之即投此藥而瘥

防風散 治婦人中風言語蹇澁四肢拘急身體壯熱頭疼目眩心胸不利

防風 去蘆 壹兩 石膏 貳兩 麻黃 去節

漢防已 去皮 各半 細辛 去苗 黃芩

川升麻 當歸 去蘆 桂心

芍藥 赤茯苓 去皮 甘草炙

羌活 去蘆 各半兩

右為麤散每服八錢水一中盞半煎至一大盞去滓入淡竹瀝一合更煎一兩沸溫服不拘時

芍藥散 治婦人卒中風四肢不仁善笑不喜

芍藥 壹兩半 石膏 貳兩半 當歸 去蘆

麻黃 去節 秦朮 去蘆 乾薑 炮

桂心 各壹兩 杏仁 貳拾枚 黃芩 壹兩

右為麤末每服八錢水一中盞半煎至一大盞去滓溫服不拘時候日進二三服

附子散 治婦人中風筋脉拘急四肢疼痛言語蹇澁心胸不利

附子炮去臍

芎藭

黃芩

羌活去蘆

甘草炙

細三各半錢

前胡去蘆

白鮮皮

杏仁麩炒

麻黃去節

當歸去蘆

枳殼麩炒

扶神去木

漢防已去皮

桂心各壹兩

右為麤末每服五錢水一中盞半生薑五片煎至一大盞去滓不拘時溫服

羌活散 治婦人中風筋脉拘急肢節痠疼言語蹇澁頭目不利

羌活去蘆

羌活去蘆

天麻各壹兩

芎藭

酸棗仁各半錢蔓荆子

栝子仁

薏苡仁

烏蛇肉酒拌炒蟬殼炒各半兩

為細末入研麝香勻每服一錢荳淋酒調下無時

南星散 治婦人中風牙關緊急四肢強直心胸痰涎咽膈不利

延咽膈不利

天南星生薑製

赤箭各半兩

蝎稍各壹錢

白附子炮

桂心

麝羊角屑

麝香另研壹錢半

半夏湯洗米次薑製

桂心

川烏頭炮去皮臍

麝香半錢

中風

女科

六十五

細末入研麝香令勻每服一錢豆淋酒調下日進二服不拘時候

木香煮散 治左癱右瘓并素有風濕諸藥不效常服調氣進食寬中

羌活

麻黃去節各壹兩

防風米錢半

白朮

陳皮

黑附子炮

南木香

檳榔

牛膝

大川烏炮

草豆蔻連皮煨

杏仁去皮炒

人參

白茯苓

川芎

當歸

甘草

桂心各半兩

右咬咀每服四錢水一大盞半生薑五片煎至八分去滓熱服大便不通加大黃心腹脹加苦葶藶滑石膈上壅滯咳嗽氣促加半夏川升麻天門冬知母

右古方專主婦人中風故收之率用麻黃桂心非真中外邪不宜輕用只以薛氏法調之為善其餘證治方藥詳見雜病本門男婦初無一治也

角弓反張天夫婦人角弓反張者是體虛受風風入諸陽之經人之陰陽經絡周環於身風乘虛入於諸陽之經則腰背反折攣急如角弓之狀宜服小續命

湯 薛仲景先生云太陽病發汗太多致瘧風病下  
之則瘧三因方云氣血內虛風寒濕熱所中則瘧以  
風能散氣故有汗而不惡寒曰柔瘧寒能澀血故無  
汗而惡寒曰剛瘧非專於風濕因內虛發汗亡血筋  
無所榮而然乃虛象也竊謂傷寒汗下過度與產婦  
潰瘍等病及因尅伐之劑傷損氣血而變若金哀木  
旺先用瀉青丸肝臟後用異功散吐瀉腎水虛用六  
味丸虛勞病肝火旺先用加味小柴胡湯血室次用加  
味四物湯發熱用加味道遙散若木侮脾土用補中  
益氣湯雜病傷勞倦加芍藥山梔脾經鬱結用加味歸脾

湯雜病健忘脾土濕熱用大承氣湯傷寒胃實大凡病後氣血  
虛弱用參朮濃煎佐以薑汁竹瀝時時用之如不應  
用十全大補湯雜病虛勞更不應加附子或用參附湯緩  
則不救人參壹兩附子貳錢水煎服

白僵蠶散 治婦人中風角弓反張口噤不能言皮  
膚頑麻筋脉抽掣

- 白僵蠶壹兩炒
- 麝香貳錢半另研
- 烏蛇肉炒令黃
- 蟬殼炒
- 桑螵蛸炒
- 犀角屑
- 天麻
- 獨活去蘆
- 天南星炮
- 川烏頭炮去皮臍
- 白附子炮
- 硃砂另研水飛

防風 去蘆各半兩

右為細末入研藥令勻每服二錢溫酒調下不拘時日三服

麋羊角散 治婦人中風角弓反張筋脉拘急言語

寒澀心神煩悶

麋羊角 屑

鹿角膠 搗碎炒令黃燥 赤箭

酸棗仁 炒

薏苡仁 各壹兩 白附子 炮

芎藭

當歸 炒去蘆 人參 去蘆各壹錢半

羌活

白鮮皮 地骨皮

栝子仁

蔓荆子 犀角屑 各半兩

牛黃 另研

麝香 各貳錢半另研

右為細末入研藥令勻每服一錢煎薄荷湯調下日進三服無時

紫湯 治婦人中風腰脊反張如弓之狀

雞糞白 壹合炒微黃 大苳 貳合炒熟 防風 壹兩去蘆

右為籠末每服五錢酒水各一中盞煎至六分去滓溫服不拘時候

烏蛇丸 治婦人中風角弓反張或身體強直牙關緊急

烏蛇肉 酒浸

犀角屑

白附子 炮

中風 女科 卷二

天麻 各壹兩  
半夏 湯洗米通 生薑製  
天南星 炮

麻黃 去節  
桂心 獨活 去蘆

白僵蠶 炒  
晚蠶沙 炒  
乾蝎 微炒 各半兩

麝香 貳錢半 另細研

右為細末入研麝令勻煉蜜和搗二三百下丸如梧桐子大每服三十九豆淋酒送下日二服無時餘並詳雜病瘳門

**口噤** 夫婦人中風口噤者是體虛受風風入額頰夾口之筋也手三陽之筋結入於額頰足陽明之筋上夾於口而風挾冷乘虛入其筋則筋攣故引牙關急

而口噤也 薛前證若風邪客於手足陽明經口眼

喎斜用秦艽升麻湯雜病中風若風熱傷氣用省風湯雜病中風

當與後方同用 一婦人因怒經事淋瀝半月方

竭遇怒其經即至甚則口噤筋攣鼻衄頭痛痰瘳搗

搗瞳子上視此肝火熾甚以小柴胡湯傷寒少陽加熟地

山梔釣藤治之後不復發 一婦人素陰虛患遍身

瘙痒誤服祛風之藥口噤抽搐肝脉洪數余曰肝血

為陰為水肝氣為陽為火此乃肝經血虛火盛耳宜

助陰血抑肝火用四物麥門五味子柴胡山梔生甘

草熟搗頓止又以八珍黃芪麥門五味釣藤炙草調

中風 女科 卷二

理而痊

天南星散

治婦人中風口噤四肢拘急或痰氣上逆

天南星薑汁炒黃

白附子炮

黑附子炮

烏蛇肉酒炙

全蝎炒等分

右為細末每服半錢以生薑汁溫酒調不拘時拗

開口灌之

走馬散

治婦人中風口噤四肢強直

附子炮去皮臍

天麻各半兩

桂心

石膏研如末

麻黃去節

川烏頭炮去皮臍

天南星炮

蝎稍各貳錢

麝另細研半錢

右為細末入麝香研令勻每服二錢豆淋酒調下

不拘時幹開口灌之

烏蛇散

治婦人中風口噤

烏蛇肉酒浸

乾蝎炒

白殭蠶炒

天南星炮

天麻各半兩

膩粉半錢另研

右為細末入膩粉研勻每服二錢生薑酒調下幹

開口灌之

白朮酒

治婦人中風口噤言語不得

白朮剉

黑豆各參兩炒熟

右以酒四升煎至二升去滓分四服幹開口灌之

中風

女科二

七十



治婦人中風口噤舌本縮語言難

芥子壹升細研以醋三升煎至一升塗頰頰下効

不語巢氏論曰脾脉絡胃夾咽連舌本散舌下心之  
別脉系舌本今心脾二臟受風邪故舌強不得語也  
喉嚨者氣之所以上下也會厭者音聲之戶舌者聲  
之機唇者聲之扇風寒客於會厭之間故卒然無音  
皆由風邪所傷故謂之中風失音不語經云醉卧當  
風使人發瘖不能言也薛前證若因痰迷心竅當  
清心火若因濕痰舌強當清脾熱若因風熱牙關緊  
急當清肝火若因風痰塞喉當導痰涎若因虛火上

炎當在冰之主若因氣虛厥逆當益火之源若因腎  
虛舌瘖而不語當補腎氣一婦人因怒仆地痰湧  
不語灌牛黃清心丸稍甦用神仙解語湯加山梔柴  
胡桔梗漸愈又用六君柴胡山梔枳殼而痊一婦  
人忽然不語半年矣諸藥不應兩尺浮數先用六味  
丸料加肉桂數劑稍愈乃以地黃飲子二十餘劑而  
痊男子多有此證亦以此藥治之諸方並見  
雜證中風  
神仙解語丹 治心脾經受風言語蹇澁舌強不轉  
涎唾溢盛及療淫邪搏陰神內鬱塞心脉閉滯暴  
不能言

白附子炮

石菖蒲去毛

遠志去心甘草水煮十沸

天麻

全蝎酒炒

羌活

白僵蠶炒

南星牛膽釀如無只煨各壹兩 木香半兩

右為細末水煮麴糊丸如梧桐子大量入辰砂為

衣每服貳拾丸至叁拾丸生薄荷湯吞下無時

防風湯 治中風內虛脚弱語謇

石斛壹兩半酒炒

乾地黄

杜仲去粗皮切薑汁炒

丹參各壹兩貳錢半

防風

川芎

麥門冬去心

桂心

川獨活各壹兩

右咬咀每服五錢水壹盞半棗貳枚煎至捌分去

滓温服

竹瀝湯 治中風入肝脾經年四肢不遂舌強語謇

葳靈仙

附子炮

苦梗

蔓荆子

防風

枳殼去穰炒

川芎

當歸各等分

右咬咀每服肆錢水壹盞竹瀝半盞薑叁片煎至

捌分温服一日四服忌茶

地黄飲子等方詳雜病本門

風痺手足不隨 夫婦人風痺者由風寒濕三氣合而為痺風多者為風痺其狀肌膚盡痛諸陽之經皆起

中風

女科二

七十一

於手足而循行於身體風寒之氣客於肌膚始為痺復傷陽經隨其虛處而停滯與血氣相搏血氣行則遲緩故風痺而復手足不隨也 薛經云邪之所湊其氣必虛前證若風邪淫旺或怒動肝火血燥筋攣用加味逍遙散脾肺氣虛肌膚不仁手足麻木用三痺湯若腎水虧損不能滋養筋骨或肝脾血虛而筋痿痺用六味丸服燥藥而筋攣者用四物生甘艸氣血俱虛用八珍湯何醫林集要等方新刊丹溪心法附錄云若人大拇指麻木不仁或手足少力或肌肉微掣三年內必有天風之證宜先服八風湯天麻丸

防風通聖散以預防之殊不知河間云風者病之末也所以中風有癱瘓者非謂肝木之風內中亦非六淫風邪外襲良由五志過極心火熾盛腎水虛衰不能制之則陰虛陽實而熱氣拂鬱心神昏憤筋骨無用而卒倒無知也治當以固元氣為主若遽服八風等藥則反傷元氣適足以招風取中 一婦人因怒吐痰胸滿服一陳順氣化痰之劑半身不遂內熱口乾形氣殊倦余視之乃肝火熾盛而侮脾土也用逍遙散補中益氣湯六味地黄丸喜其慎疾年餘而愈 一孀婦胸脇脹痛內熱晡熱月經不調肢體痠麻

不時吐痰或用清氣化痰藥喉間不利白帶腹脹又  
用清熱理氣藥胸膈不寬肢體時麻余曰此本鬱怒  
傷肝脾前藥傷甚耳朝用歸脾湯以解鬱結生脾氣  
夕用加味逍遙散以生肝血清肝火百餘劑而愈後  
因怒肢體復麻用補中益氣加山梔茯苓半夏而痊  
後復怒病再作月經如注脉浮洪而數此肝火傷脾  
不能攝血所致也用六君芎歸炮薑二劑而血止用  
補中益氣加炮薑茯苓半夏四劑而胃醒更用歸脾  
湯逍遙散調理而痊 一婦人頭暈吐痰用化痰理  
氣藥肢體或麻服祛風化痰藥肢體常麻手足或冷

或熱此脾土虛而不能生肺金用補中益氣加茯苓  
半夏炮薑二十餘劑脾氣漸復諸證稍愈更用加味  
逍遙散三十餘劑而愈後因怒吐痰自服清氣化痰  
丸飲食不進吐痰甚多胸膈脹滿余用六君子倍加  
參朮少加水香數劑而康

三痺湯 治血氣凝滯手足拘攣風痺氣痺等疾

- 川續 杜仲剉薑汁炒去絲 防風去蘆
- 桂心 華陰細辛 人參去蘆
- 白茯苓去皮 當歸去蘆 白芍藥
- 甘草各壹兩各炙 秦艽去蘆 生地黃

川芎

川牛膝 酒浸各壹兩

川獨活 各半兩 去蘆 黃芪 去蘆

右咬咀或為末每服捌錢水貳盞生薑伍片棗壹枚煎至壹盞去滓熱服無時候但腹稍空服有人病左臂不隨後已痊平而手指不便無力試諸藥不効服此藥一料而愈

獨活湯 治婦人風痺手足不隨身體疼痛言語蹇澁筋脉拘急並宜服之

獨活

秦艽 去蘆

桑寄生

赤茯苓 去皮

牛膝 酒浸

桂心

防風 去蘆

附子 炮去皮臍

當歸 炒去蘆

生乾地黄 各壹兩

杜仲 剉炒去絲

細辛 去苗

芎藭

赤芍藥 各柒錢半

甘草 炙半兩

右為咬咀每服捌錢水壹中盞半煎至壹大盞去滓

滓溫服無時

烏蛇散 治婦人風痺手足頑麻筋脉搐搦口眼不正言語蹇澁

烏蛇肉 酒炒

天雄 炮去皮臍

薏苡仁

土蜂兒 炒

赤箭

芎藭 各壹兩

天南星 炮

麻黃 去節

羚羊角屑

乾蝎 微炒

桑螵蛸 微炒

桂心

朱砂 研水飛 各半兩

當歸 炒去蘆

酸棗仁 炒

栝子仁 各半兩

為細末入硃砂藥研勻每服壹錢食前温酒調下

袁垣羌活湯 治濕熱身重或眩暈麻木小便赤澁

下焦痿軟不能行履

羌活

防風

柴胡 各壹錢

藁本

獨活

茯苓

澤瀉

豬苓

黃芪 炒

甘草 炙

陳皮

黃蘗 酒炒 黑

黃連 炒

蒼朮

升麻

川芎 各伍分

右水煎服

甘草附子湯

治風濕相搏骨節煩疼不時抽痛不能伸屈抑之則痛劇汗出短氣小便不利惡風不欲去衣或微腫痛

甘草 炙壹兩

附子 壹枚重壹兩參肆錢者方是炮去皮尖不真不効

白朮 炒壹兩

桂枝 貳兩

右每服伍錢水煎

八珍湯

治肝脾氣血俱虛不能養筋以致筋攣骨

痛或不能行履或發熱晡熱寒熱往來等證

加味道遙散 治肝經風熱血燥筋攣肢體不遂內

熱瞽熱等證

入玆方見雜病虛勞本方見本科調經

自汗藥隱老人云尋古治中風方續命排風越婢等

悉能除去而千金多用麻黃令人不得慮虛凡以風

邪不得汗則不能泄也然此治中風無汗者為宜若

治自汗者更用麻黃則津液轉使脫泄反為大害中

風自汗仲景雖處以桂枝湯至於不住發搖口眼瞤

動遍身汗出者豈勝對治當此之時獨活湯續命煮

散復榮衛却風邪不可闕也 陸前證若腠理不固

而自汗者用桂枝湯或防風白朮牡蠣湯若過服風

藥而自汗者用白朮防風湯若陽氣虛弱而自汗者

用芪附湯若兼盜汗用補中益氣湯送六味丸如不

應用當歸六黃湯

獨活湯 治風虛昏憒不自知覺手足痠痠坐臥不

能或發寒熱血虛不能服發汗藥及中風自汗尤

宜服之

川獨活

羌活

人參

防風

當歸

細辛

扶神 去木

半夏

桂心

白薇

遠志

菖蒲

川芎各半兩

甘草柴錢半炙

右咬咀每服捌錢水壹盞半薑伍片煎米分去滓溫服不拘時候

續命煮散 治風氣留滯心中昏憤四肢無力口眼

攣動有時搖擗亡失津液渴欲引飲此能扶榮衛

去虛風中風自汗及產後中風自汗尤宜服之

防風 獨活 當歸

人參 細辛 葛根

芍藥 川芎 甘草

熟地黃 半夏 遠志去心

荆芥穗各半兩 桂心柴錢半

右咬咀每服伍錢水壹盞生薑叁大片煎至米分去滓溫服不拘時候汗多不止者加牡蠣粉壹分半

補遺防風白朮牡蠣散 治中風自汗不止

白朮 牡蠣煨 防風各等分

為米酒調下米飲亦可日三服汗即止如不止可服黃芪建中湯

賊風偏枯藥隱老人云偏枯者其狀半身不隨肌肉

枯瘦骨間疼痛神智如常名曰偏枯也原其疾之由皆因陰陽偏虧臟腑怯弱經絡空虛血氣不足當風



衝坐風邪乘虛而入內經云汗出偏沮使久偏枯詳其義理如樹木或有一邊津液不蔭注而先枯槁然後被風所害人之身體或有一邊血氣不能榮養而先枯槁然後被風所苦其理顯然王子亨云舟行於水人處於風水能泛舟而亦能覆舟風能養體而亦能害體蓋謂船漏水入體漏風傷古人有云醫風先醫血血行風自滅是也治之先宜養血然後驅風無不愈者宜用大八風湯增損茵芋酒續斷湯 大賊風偏枯者是體偏虛受風風客於半身也人有勞傷血氣半身偏虛者風乘虛入客於半體名爲偏風也

其風邪入深真氣去邪氣留發爲偏枯此由血氣衰損爲風所客令血氣不相周榮於肌故令偏枯也薛醫風先醫血此論得之大抵此證多因胎前產後失於調養以致精血乾涸肝木枯槁治法當滋其化源考之生氣通天論曰風客淫氣精乃亡邪傷肝也陰陽應象大論曰風氣通於肝風搏則熱盛熱盛則水乾水乾則氣不榮故精乃亾此風病之所由作也一婦人性善怒常自汗月經先期余以爲肝火血熱不信乃汎用降火之劑反致月經過期復因勞怒口噤呻吟肢體不遂六脉洪大面目赤色用八珍麥

門五味子山梔丹皮數劑漸愈兼用逍遙散六味丸  
各三十餘劑全愈

大八風湯 治中風偏枯失音半身不隨時復恍惚

當歸 去蘆 杏仁 麩炒 甘草 炙

桂心 乾薑 炮各 五味子

升麻 各半 川烏頭 炮去 黃芩

芍藥 獨活 防風 各去蘆

川芎 麻黃 去節 秦艽

人參 各去蘆 石斛 去根切 茯苓 去木

石膏 黃耆 去蘆 紫苑 各壹

大豆 卷兩去 皮炒

右為咬咀每服伍錢水貳盞酒壹合煎至壹盞去  
滓温服恍惚者不用酒煎 一方無茯苓有遠志  
赤茯苓

增損茵芋酒 治半身不遂肌肉乾燥漸漸細瘦或  
時瘡痛病名偏枯

茵芋葉 川烏頭 炮去 石楠葉

防風 川椒 炒出汗 女萎

附子 炮 北細辛 獨活

卷栢 肉桂 天雄 炮去

中風

女科二

秦艽

防已各壹兩

躑躅花炒

當歸

生乾地黄各貳兩芍藥壹兩

右咬咀酒貳斗漬之冬七日夏三日春秋各五日  
初服壹合漸增之以知為度令酒氣相續  
續斷湯 治偏枯少血

當歸

陳皮去白

芍藥

細辛

生乾地黄貳兩

右咬咀每服伍錢水貳盞煎至捌分去滓溫服臍  
寒多利者入熟附子壹兩和前藥服之  
補遺全生虎骨散 治半身不遂肌肉乾瘦忌用麻

黃發汗恐津液枯竭惟當潤筋養血消風

當歸貳兩

赤芍藥

續斷酒浸

白朮

藁本

虎骨炙各伍兩

烏蛇肉炙半兩

右為末每服貳錢酒調下骨痛加生地壹兩自利  
加天雄半兩

虎脛骨酒 治中風偏枯四肢不隨一切風痺筋脉  
攣拳

石斛

石楠葉

防風

虎脛骨炙

當歸

茵芋葉

杜仲 酒炒

牛膝 酒浸

續斷 酒浸

芎藭

巴戟 去心

狗脊 去毛各壹兩

右以絹囊盛藥用酒壹斗漬拾日每服壹盞溫飲

**偏風口喎**

夫婦人偏風口喎者是體虛受風風入於

夾口之筋也足陽明之筋上夾於口其筋偏虛風因

虛而乘之使其筋偏急不調故令口喎僻也 醉

婦人懷抱鬱結筋攣骨痛喉間似有一核服烏藥順

氣等藥口眼歪斜臂難伸舉痰涎愈多內熱晡熱食

少體倦余以為鬱火傷脾血燥生風用加味歸脾湯

二十劑形體漸健飲食漸進又用加味道遙散十餘

劑痰熱少退喉核少消更用升陽益胃湯數劑諸證

漸愈但臂不能伸此肝經血少而筋攣耳用六味地

黃丸以滋腎水生肝血而愈

防風湯 治卒然口喎斜言語牽急

防風 去蘆壹兩

羌活 去蘆半兩

甘草 貳錢

右為呔咀每服伍錢水貳盞煎至壹盞去滓入麝

香研壹字溫服

深師續命湯 療中風口僻噤諸疾卒死不知入補

虛起死神方

人參

防己

麻黃 去根節

芍藥

川芎

甘草

黃芩

白朮

桂心

附子炮

防風各壹兩

生薑伍兩

右切以水壹斗貳升煮取叁升分為叁服不差更

作忌海藻菘菜桃李葱生菜雀肉猪肉

防風散 治婦人中風言語謇澁肢節疼痛皮膚不

仁

防風

羌活各去蘆

當歸去蘆炒

大南星炮

天麻

桂心

芎藭

烏蛇肉酒浸

白殭蠶炒

桑螵蛸炒各半兩

麝香研

朱砂細研化飛各貳錢半

麻黃去根節

為細末入研藥令勻每服壹錢温酒調下不拘時

千金方

炒大豆叁升令焦以酒叁升淋取汁頓服

治口眼喎斜

用葶藶子米粒去皮研細作餅子安在手心

安左右手却用銅盂乘湯坐於藥上纔正即洗去

蘇出本草

十全

熟地末八兩藥冷片每服壹錢溫酒調下

秋黃去毒半

桑葉去毒半

麻香

木香去毒半

